

# Ivicu Račana će u Minhenu operisati dr. Milomir Ninković

## Sarajlija jedan od najboljih plastičnih hirurga u Evropi

Na sarajevskoj Klinici za plastičnu hirurgiju radio je od 1984. do 1992.

### ● Draga sjećanja i komplimenti kolega iz Sarajeva

Sarajlija dr. Milomir Ninković, koji trenutno radi u eminentnoj klinici u Minhenu, operisat će predsjednika SDP Republike Hrvatske Ivicu Račana kojem je, prema pisanju hrvatske štampe, dijagnosticiran tumor na ramenu.

Ovih dana telefon dr. Ninkovića i njegove supruge Marine u Minhenu opsjedaju novinari. Jedno od pitanja koje se postavlja je: otkud Sarajlija u Minhenu, kako ranije nismo znali za njega...

Dr. Ninković je rođen 1957. godine. Diplomirao je na Medicinskom fakultetu Univerziteta u Sarajevu. Bio je jedan od najboljih studenata, a prema riječima njegovih saradnika i kolega u Sarajevu, tih osamdesetih godina, kad je počinjao karijeru na Klinici za plastičnu hirurgiju Kliničkog centra u Sarajevu, strastri je "kadrom koji obećava".

"Na Klinici za plastičnu hirurgiju počeo je raditi 1984. godine. Uvijek je bio ljubazan i od početka kraj-

nje odgovoran prema svome poslu. A takav je bio i u odnosima prema ljudima, pacijentima i kolegama", kaže sekretarica šefa Klinike za plastičnu hirurgiju Nidžara Mulalić, koja je ovih dana sarajevskim novinarima ustupila za objavljivanje neke od Ninkovićevih fotografija.

Dr. Ninković je, kako saznajemo na Klinici, magistrirao i specijalizaciju iz oblasti plastične hirurgije stekao u Ljubljani, Beogradu i Engleskoj.

"Sarajevo je napustio 1992. godine da bi se pridružio supruzi Marini koja je prije njega napusti-



Dr. Ninković sa dr. Refom Karabegom u Sarajevu na Kongresu hirurga 2003.

## Medijska nagadanja oko dijagnoze

Dr. Milomir Ninković, u razgovoru za hrvatski *Nacional*, opisao je prvi susret sa Ivicom Račanom. Kazao je da niko ne može sada tvrditi tačno o kojoj se vrsti tumora radi kod Račana, te da će se tačna dijagnoza znati nakon pretraga.

"Sve što je u hrvatskoj javnosti izneseno za sada su samo nagadnja, pa i konstatacija da se radi o sarkomu hrskavice ili tumoru smještenom u mišiću iza lopatice. Takva dijagnoza u našoj klinici nikada nije postavljena Račanu", rekao je Ninković. Dodao je da će se tek nakon što stignu rezultati pretraga odlučiti kojem će se hirurškom zahvatu prikloniti.

"Račan me oduševio svojim pozitivnim pristupom prema

bolesti, iskazanom voljom i iskrenošću, što je odlika koju baš i ne očekujete od političara. Osvojio me toplim ljudskim odnosom", kazao je Ninković.

Dijagnoza "smrznutog rame" koju su Račanu otkrili hrvatski ljekari nije pogrešna i ne radi se o grešci. Ninković je ustvrdio da se kod tumora često teško i dugo dijagnosticira pravo stanje, te da se često nešto dijagnosticira kao sportska ozljeda, a tek nakon cjelovite obrade pokazuje se da se radi o tumoru.

"Ja i stalni tim saradnika učinili ćemo sve da se provede najbolji tretman i da Račan normalno dalje živi i radi", rekao je Ninković za *Nacional*.

la BiH", kaže Mulalić. Dodaje da je jedno vrijeme radio u Insbrucku u Austriji, a onda je prešao u Minhenu.

Ona se sjeća da je dr. Ninković tokom 1993. godine operirao jednu doktoricu iz Sarajeva. Imena se nije mogla sjetiti, ali zna da joj je dr. Ninković uspješno operisao lakru nakon ranjavanja u Sarajevu.

I njegov kolega dr. Alija Aginčić, koji je zaposlen na sarajevskoj Klinici za plastičnu hirurgiju, potvrdio je da je Ninek, kako ga zovu prijatelji, danas u samom vrhu svjetske medicine, jedan je od tri najbolja mikrohirurga u svijetu. Saznajemo da je drugi lekar u svijetu koji je izveo transplantaciju šake sa umrle osobe. Posljednjih godina dr. Ninković u Sarajevo navratu uglavnom radi posjete roditeljima. Tokom 2003. prisustvovao je i Svjetskom kongresu hirurga u Sarajevu.

S. SEHERČEHAJIĆ